

A D
POTENTISSIMOS AC
SERENISSIMOS REGES,
PRINCIPES, RELIQUOSQUE
amplissimos Christiani or-
bis Ordines.

*Seria de Reipub: Christiana statu eiusq; salute
atque incolumitate conseruanda,*

Germani cujusdam Nobilis & Patriæ amantis viri

COMMONEFACTIO.



M. D. LXXVIII.

13

20



*Ad Potentiss. ac Sereniss. Reges, Principes,
reliquosq; ampliss: Christiani orbis Ordines,
Seria de Reipub. Christianæ statu eiusq; salute atq; incol-
umitate conservanda, Germani cuiusdā Nobilis & Patriæ amantis viri*
C O M M O N E F A C T I O.

QUOD si quam in alienis rebus rationibusq; judi-
cij stateram adhibemus, ad eandem nostra ipsi
consilia, nostrasq; omneis actiones appenderemus,
& certius omnis nobis vitæ ratio institueretur,
& omnino infinita, tum publica tum priuata ca-
lamitates auerteretur. Alienorum enim vel periculorum vel cla-
dium exemplis, quasi optimis & certissimis vitæ ducibus ac magi-
stris, ad res omnes & instituendas & perficiendas uteremur.
Quod quidem sapientiæ genus uti tutissimum, ita suauissimū esse
nemo unquam sanus dubitauit. Sed ferè fit, ut in rebus nostris di-
iudicandis constituendisq;, vel cupiditate vel metu vel alia qua-
piā animi agritudine præpediti, quod ante pedes est, quodque cer-
vicibus iam iā imminet, haud antè cernamus, quàm ipsa calamita-
te obruti, repëtino interitu tarditatis ac stultitiæ pœnas luerim.
Itaq; etsi de aliorū exemplis prudenter sæpe indicamus, dum tamen
idem se nobis deuitandū periculum offert, quia vel rei magnitu-
dine, vel anticipis euentus formidine perterriti, & dum alij sese
moueant circumspectantes, moras inutiles necëimus, & alias nos pe-
riculi propulsandi rationes habituros speramus, occasionis opportu-
nitate è manibus elapsa, omnis illa speciosa sapientiæ, quæ in alieni
periculi exemplo intucendo versatur, inanis prorsus atque infructu-
osa nobis abit.

Nulla quidem unquam vel Respub. vel ciuitas, ac ne cinis quidē
vllus aut bonus aut fortis exstitit, qui non censeret, in moderato po-
tentiorum vicinorū imperio salutem suam, ac libertatis vitæq; in-
columitatē omnem consistere. Neg; quicquam suā tantopere inter-
esse, quàm illos ipsos vicinos iustitia & moderatione animi impe-

rium administrantes, suis se finibus, quasi quibusdā repagulis, continere. Est enim in omnibus quidem ambitio periculosa, sed in illis certē vel omnium maximē, qui quantumvis vastis imperij sui finibus, regnandi cupiditatē nequeunt terminare. Quia cum Imperiorum mutatio sine tristissima vicissitudinis squalore, atq; omnium rerum perturbatione vix unquā possit existere, necesse est, ut quaecunque illis adiacent regiones, vel longissimo etiam remota intervallo, immoderata huius ambitionis fluctibus agitatae, funesto tandem interitus atq; omnium calamitatum gurgite inuoluantur. Sed quemadmodum Oceani vel grauisima tempestate tumefacti ac redūdantes fluctus, obiecto proximo aggere, vicinis atq; accolis omnē industriam, laborem, ac vigilantiam uno animo, unoq; opere per initia adhibentibus possunt, haud agerrimē cohiberi, postea verò, quā uno atq; altero aggere perrupto, in campos atq; arua se longe lateq; effuderint, nulla neq; vi neq; industria humana prohibentur, quin certā atq; ineuitabilem, non modò in numerabilibus hominum ac pecudum cateruis, sed totis etiam oppidis, latissimisq; saepe ditioribus ac regnis perniciem adferant: ita planē quā late suos fines producunt imperia, si unanimi vicinorum populorū consensu, quasi proximo aggere, suis regionibus per initia cohibeantur, vix est ut grauem aliquam aut memorabilē cuiquam cladem inferre possint. Sin autem perruptis finitimorū vnīs aut alteris claustris, & Imperij prolatandi dulcedine semel animos delinuerint, & sui nominis terrōrē reliquis etiam iniectū senserint, nulla certē tanta vis est, nullū tam vastum aut violentū repagulum, quo furentes isti ambitionis impetus queant amplius coerceri. Quod quicumq; post homines natos viri sapientes perspexerunt (perspexerūt autem omnes qui quidem prudentiā ad res gerendas adhibendā esse rati sunt) ij semper statuerunt, boni ac patriā amantis ciuis, maximē autē Principis esse, diligenter ac maturē providere, non modò ut in sua Repub: benē beatēq; suis ciuib; ac populis esset, sed etiam ne quis finitimi vel Reges vel populi in vicinorū sedes, quacūq; tandem obtenta iustitia specie ac prae-textu, per vim irrum-

perent, regnare cupiditate affecti, suos fines in vicinorum ditionē
ambitiose propagarent. Hinc olim Romani Carthaginensium cres-
centem potentiam, missis auxiliaribus copijs, quā Mamertinos ob-
sidione liberarent, & Hispaniam ab Afrorū seruitute vindicārēt,
omninō sibi putarunt esse imminuendā. Hinc Antiochum Epipha-
nem, tutela specie, Ægypto inbiantem, suis finibus ac regionibus
circumscripserunt, neq; unquam alicuius vel Regis, vel populi po-
tentiam in immensum crescere passi sunt. Hinc etiam, nostra ma-
jorumq; nostrorū ætate, Venetorum illa eximia sapientiæ laus ac
predicatio extitit: qui cum se haud temere ad bellū suscipiendum
commouere unquam soleant, ita tamen sua consilia semper tempe-
rarunt, ut si quando vicinos, vel populos vel principes, cernerent
immoderato ambitionis impetu in vicinos vim iniectare, sua sem-
per arma infirmioribus presidio esse voluerint: ut tanquā in tru-
stina libratis populorum ac Principum Italie viribus, nemo existe-
ret, qui se Venetam Rempub: speraret armis posse opprimere. Quod
quidem constans ac perpetuum eorum institutū, inter multa alia
præclara vel præcipuum habetur, quòd illam Rempub: non modò
tam ad mille & amplius annos florentē conseruarit, sed omni etiā
virtutis ac sapientiæ laude apud exteras omnes gentes cumulata
atque admirabilem reddiderit.

Atq; hoc quidem exemplū Laurentius Medices vir sua ætate
omnium in Italia sapientissimus, summo studio atq; industria ita
secutus fertur, ut alta Italia pax & beatissima tranquillitas, illa
ætate, eius unius prudentiæ, omnium propè scriptorū calculo tribu-
atur, propterea quòd tum suis consilijs, tum reipub: Florentinae, in
qua clauum tenebat, armis atq; auxilijs omnium Italie Principum
cupiditates ita frenabat, ut si quis extra suos fines, ambitionis ru-
ens impetu, quicquam tentasset, ille continuo reliquorū Principum
ac populorū armis atq; autoritate cōcēceretur. Atq; hoc quidē certē
nemo est, qui non videat, sentiat, statuat, nemog; qui non eos popu-
los grauiter incuset, & verò etiam proditæ patriæ reos peragat, qui

vel metu perterriti, vel ignavia fracti, vel otij & quietis suauitate illecti, vel tarditate & quasi quodam veterno consepulti, vel deniq; ciuilibus ac domesticis contentionibus implicati, finitimarum regum ac populorum ambitiosa imperia, per socordiam ita passim sunt propagari, ut cum postea eorundem vim atq; impetum sustinere non possent, tristissima calamitate ac pernicië & se & patriam suam inuolutam cernere coacti sint. Ecquis enim est nostrum, qui non censeat, veteres olim Gallos, si unanimi omnes consensu, Iulij Caesaris arma initio repulissent, Rempub. à Romanorum seruitute liberam nullo negotio tenere potuisse? Sed dum alij vicinorum armorum atq; interitus otiosos se præbent spectatores, alij suis etiam armis atq; auxiliis potentiam Romanam corroborant, per breui tempore eò res adducta est, ut amplissimum illud potentissimumq; imperium in prouincias redactum, turpi seruitute penitus fuerit oppressum.

¶ Quid Italia ipsa? Si adolescentem Romanorum potentiam sub initia communibus armis ac viribus cohibuissent, neque passi essent sigillatim Antiates, Crustuminos, Ceninenses, Latinos, mox etiam Volscos, Æquos, Sabinos, atq; inde porro Samnites, Umbros, Brutios, Hetruscos, aliosq; singulos per se populos sub iugum venire, annon & suam libertatem tutati essent, & reliquos Europæ populos à fæda seruitutis capistro vindicassent? Et tamen, vix quisquam illorum est exemplis factus sapientior. Et dum omnes de aliis quidem rectè iudicarunt, nemo est qui suis temporibus iudicij illius fructum ad se potuit traducere. Atque ita post Italiam, Sicilia, mox Africa atq; inde porro omnis Asia, & propè vniuersus terrarum orbis, scuisimo Romanorum iugo subacta, socordia atq; stultitia pœnas dedit. Eadem penitus vel vacordia, vel stupore Christianorum Principum animi olim occupati, Sarcenorum genti atq; imperio eas opportunitates dedere, qua stentissimas totius Asia, Africa, atq; Ægypti Ecclesias funesto Mahometica seruitutis iugo turpiter oppressas, à vera celestis doctrinæ cognitione penitus abalienarunt. Quorum tyrannidem excepti crudele

crudelis Ottomannorū imperium, quod quidem ex minimis & plañe contemnuendis ortum inijt, paulò momẽto ita mirabiliter excreuit, vt iam non Asia aut Africa regna, sed ipsius Europa penitissima viscera peruaferit, vastarit, euerterit.

Atqui nemo non videt, ipsos Christiani orbis Principes ac populos, dum vel domesticis disidijs inter se implicati, vel ignavia perterriti, vel ambitione ardentes, vicinorum cladem ad se minime putant pertinere, satis sibi quisq; virium fore rati, ad gladios Turcarum à suis finibus depellendos, illorum feritati & spaciũ temporis & opportunitatem eam dedisse, quam ne ipsi quidem vix unquam optare, sperare certè nunquam ausi fuissent. Quo quidem incendio, nisi Germania dulcissima nostra patria virtus obstitisset, quæ cõmuni consilio atque imperij decreto, vires suas ac vectigalia coniungenda esse putauit, vt quoties necesse esset, Ottomanicam illam potentiam, vel suo certo periculo cohiberent, iampridem orbis Christianus vniuersus conflagrasset. Eadem illa Germaniæ virtus olim se Romanis armis sola obiecit. Cũ enim reliqui & Europa, & Africa, atque Asia inde vsq; ad Persas & Parthos ferè omneis populi, ea quam diximus imprudentia, jugum illorum admisissent: soli Germani coniunctis viribus, eorum potentiam multis prælijs fregerunt, & sæpè victores, sæpè etiam victi, ita semper vires repararunt, vt oblata tandem per ciuiles Imperij Romani dissensiones occasione, ipsi iam ex Germania magnis exercitibus comparatis, in Romanorū ditiones vndiquaque irrumperent, & eos qui alijs antè gentibus imperarant, non modò sub Germani Imperij iugum ire docuerunt, sed propè ad interuersionem etiam deleuerunt. Quæ certè virtus, nullis laudibus, nulla prædicatione, satis poterit vnam celebrari.

Sed quò maior ac præclarior illa fuit Maiorū nostrorū virtus, eò maiori cum admiratione ac dolore, boni õnes ingemiscũt, nos iam ab auita illa fortitudine degeneres, tacitos, otiosos, ac securos cernere ac pati Hispanorū superbũ & crudele iugũ, propè iã vniuerso terrarũ orbi impositiũ, etiã nostris posterorũq; nostrorū cernicibus imminere.

Non equidem, vel gentes vel Principes inter se comparando, nomini cuiuspiam inuidiam excitare. Omnis enim seruitus & gravis & viro indigna est. At verò Hispanorū seruitus, quos iam nuper à Mauris & Saracenīs ortos, seuissimā Inquisitionis terror ad Christiani nominis confessionē, inuitos atq; obstinatē reluctātes, per vim cōegit, an Turcorum seruitute tolerabilior censei possit, haud facile pronunciauerim. Esio penes Granatenses, penes Indos, penes Neapolitanos hoc iudiciū.

Illud certē constat, Romanorū iugum, etsi propter inexplēbilem Imperatorū ac militum auaritiā (quorum hybernīs plures sociorū ciuitates deleta traduntur, quā armis hostium vrbes) gentibus esset intolerabile, tamen ob multas praclaras populi illius virtutes, sicut Hispanorum superbia, crudelitate, auaritia conferatur, seruitutē illam libertatis, obedientiā imperij nomine meritō censei potuisse. Sed quoquomodo se hoc habeat, illud certē exploratū est, nisi maturē prouideatur, & communi atq; vnanimi reliquorū Regum ac Principū consilio, Hispanorum conatus atq; animi frangantur, propediem fore, ut eorum viribus per communem socordiam in immensum auctis, serò & frustra se sint obiecturi, qui commune hoc Christiani orbis incendium ad se nihil dum putant pertinere: ac proinde, rati se, si quid in suis sinibus tentetur, facile vim omnē esse domesticis armis propulsaturos, vicinorum Belgarū cladem imminentē otiosē spectant: Neg. vident hac sua socordia Hispanica ambitionis ac superbia flammās accensas ea capere incrementa, quibus poss, & ipsorum tecta & vniversi orbis Christiani omnes prouinciæ, ditiones, ac regna breui sint conflagratura. NEQVE enim est quod quis existimet, Brabantia, Flandria, aut Hollandiæ regionibus, huius incendiij faces compressas posse cōcerceri, cuius iam non scintille, sed ardentes flammæ, non modò Italiam, sed Galliam, Angliam, Scotiam, & Germaniam ipsam, atq; vniuersum deniq; terrarū orbem, longē latēq; peruagata incenderunt. Atqui ne Hispani quidem ipsi dissimulant, orbis terrarū Anarchiam

chiam faso sibi deberi: utpote quorū virtus ac fortitudo novum,
atq; ante incognitum terrarum orbem, armis subactum, legibus
atq; institutis ornari, moribus ac disciplina expoluerit, & Catho-
lica deniq; ac Romana religione imbuerit. Sui esse muneris predi-
cant, constituta Monarchia, reliquos Christiani orbis populos ad e-
andem fidem ac disciplinam adducere, & omnes de religione con-
trouersias, nominis sui atque Imperij terrore, armorumq; virtute
componere. Hac illi non modò palam dicunt, quotidianisq; ser-
monibus vsurpant: sed re ipsa, & omnium consiliorum, actionum,
rationum, rerumq; gestarum certissimis atq; indubitatīs iudicijs
apertè confirmant. Nihil enim aliud agunt, nihil spectant, nihil
cogitant, quàm ut subactis semel Belgij populis, sedē ibi belli sta-
tuant, vnde quàm minimo negotio, & in Germaniam, & in An-
gliam, & in Galliam, quoties adlibuerit, percurrant. Et primum
quidem in eos supplicij statuant, quos suis studijs minus fuisse fa-
uentes, vel leni suspitione indicabunt: Atque inde porrò reliquis
Christiani orbis Regibus ac populis, quodcunq; videbitur pro libi-
dine imperent, & si qui dicto minus erunt audientes, eos à finiti-
mis desertos, & hostili manu vndiq; cinctos, infestis armis oppri-
mant, & sub iugum seruitutis mittant. Eò sua omnia consilia, ra-
tiones, conatus, iam inde vsq; intenderunt, ex quo oppressa armis
Italia, non modò in Germaniā, Religionis instauranda prætexit,
fecere impetum, sed etiam orbis Christiani Monarchiam omnem
sibi subijcere tentarunt.

Quod quidem ut perspicuè intelligatur, per epitetium erit, nos
hic vobis, Potentissimi ac Serenissimi orbis Christiani Reges, Prin-
cipes atq; Ordines amplissimi, Hispanicorū consiliorum, institutorū
atq; actionum omnium seriem, inde vsq; à primis initijs ad hæc tem-
pora, ordine ac breuiter explicare: ex qua mens corū atq; animus,
& spes omnis atq; institutum perspicuè eluceat: ut ita commu-
ni malo, communibus consilijs remedium opportunū maturè quera-
tur. In quo nihil equidem dicam, nisi quod in omnium oculis posi-

rum, & quasi in quodam amplissimo orbis theatro gestum, nemini poterit esse obscurum. Quod quidem ego dum vobis ob oculos pono, viri Principes, quæso paulisper attēdite, atq; animū ab ōni præiudicata opinione ad cognoscendā rei veritatē, diligēter aduertite.

Postquam itaq; gens Hispanica Ferdinandi virtute Maurorum jngo liberata, longoq; armorū usu atq; exercitatione roborata, reliquis se gentibus ac populis bellica laude, vel superiores, vel certē pares esse posse statuerunt, continuò ad occupandā Italiam animū adiecerūt: præsertim cū ab Arragonijs, qui olim ex Hispania oriundi sedes suas Neapoli fixerant, ad subsidium contra Gallos vocati, florentissima ditionis amplissimā vbertatem, atq; omnī rerū redundantem copiam oculis atq; animo lustrassent: & iam Siciliam insulam ad importandos commeatus, traiciendāsq; militū copias, & ad omnia deniq; belligerendi sustentandiq; præsidia longē opportunissimā, Gallis etiam multo antē tempore ereptam tenerēt. Itaq; deserta eiecitq; Alfonsi stirpe, cum Gallo sædus ineunt, & de repartiēda inter se vniuersa prouincia paciscuntur. Ex quo cū Gallos ad belli procurationem segniores cūctantioresq; factos viderent, orta de sinibus contentione, acrius bellum instaurant, ita tamen vt non multò post, opera Philippi Archiducis (cui filia nupserrat Ferdinandi) pacis noua conditiones proposita sancirētur, quo stratagemate Gallicis subsidijs quæ iam in procinctu erant, remoratis, à Consaluo reliquæ Gallici exercitus ad Gariglianum flumē penitus casa fuere ac profligata, atq; ita Gallis omnibus Neapolitano regno procul eiectis, Hispani opportunissimā belli sedem, ex qua Italia toti imperarent, collocatis præsidijs, & substructis arcibus ac munitionibus occupant. Cūque iam sub idē ferē tempus, auctoritate Pontificis Romani, vastissimis illis Indiarū regionibus inter Lusitanos & Castellanos repartitis, vniuersam Americā, atq; Indiæ occidentalis amplissimū complexum, admirabili & nunquam ante audita crudelitate vastatum, imperio suo subiecissent, & simul inferioris Germaniæ, quæ Belgicam Galliam attingit, Principes ac ditiones

tionem affinitatis necessitudine sibi coniunxissent, rati iam se habere ararium unde belli gerendi facultates depromerent, partim propter auri atq. aromatum incredibilem copiam, quæ ex Indicis navigationibus in singulos prope annos aduehebatur, partim ob mercium innumerabilem transuentionem, quæ à Belgicis ac Batanicis mercatoribus ac nauicatoribus cum Hispaniis instituta, uetustigalia mirifice auxerat, ad reliquam Italiam sibi subiungendam animum adiecerunt, ac proinde Insubriam uniuersam, feracissimam certe ac florentissimam Italia partem, sub specie auxilij Sforzia ferendi, Gallis ereptam, mox etiam Sforzia oppresso occupatam Hispanicis presidij firmarunt. Florentiam, Senam, Pisam, atq. adeo uniuersam Etruriam statim commutarunt, imposito illis Duce, quem suis partibus ac studiis addictum norant. Parmam & Placentiam arcibus & presidio firmarunt. Genuam, Ligustici Maris portum factionibus ac dissidijs domesticis agitatam, confirmata Dorij authoritate atque imperio, sibi addixerunt.

Denique, varijs artibus uniuersam prope Italiam sibi addixerunt: extremos certe illius utringue fines penitus manciparunt. Et necdum satiata regnandi cupiditate, cum multos etiamnum restare principes ac populos interiectos cernerent, qui non modo ipsi essent Hispanæ gentis imperium detrectaturi, sed alijs iam subactis populis, uindictas ad libertatem fortasse etiam daturi, putarunt eandem sibi uia propulsandum hunc esse metum, quam pridem ante in ipsis Hispania uisceribus ad liberrimam Arragoniorum gentem penitus edomandam tenuerant, cum nimirum, iniecto Inquisitionis frango, & proceres atq. ordines in regni comitijs libertate suffragiorum spoliarent, & prouinciam omnem insignibus immunitatum presidij atq. ornamentis nudarent, & populum denique uniuersum acerbissimo tyrannidis terrore opprimerent.

Itaque omni studio & contentione primum Neapolitanis, mox Mediolanensibus & Siculis alijsq. finitimis gentibus, Inquisitionem, religionis catholice tuenda prætextu, obtrudunt. Sed cum generosis

animis obfirmatè obſiſtentibus minùs id ſuccederet ex ſententia, ſuppreſſo ad tempus Inquiſitionis nomine, alias ad perficiendum inſtitutū technas conquirunt. Iungit ſe Rex Philippus arētīſſima fæderis neceſſitudine cum Pontifice Romano, cuius & imperiū eſt amplū in Italia, & authoritas apud omnes ſacroſancta. Ei ſe ſpondet religionem catholicam Romanā non modò ſartam tectam in ſuis ditionibus tueri, ſed in alienis etiā velle ſtudioſè inſtaurare: & ſe fæderis contra Lutheranos inizi principē profitetur: hac ratione & Hiſpanici imperij inuidiā eleuari, & Italos principes in fæderis ſocietate partim ſtudio partim metu aſcitos, arētīus deuinciri poſſe ſperat. Accedit Ieſuitarum creſcēs paſſim ſub idem tempus authoritas ac potentia. Huſ enim uſi corycæis atq; exploratori- bus ſeu Inquiſitionis familiaribus, non modò in ſingulas principū ditiones, ſed in ipſa etiā tecta & penetralia viam ſibi patefaciunt, eorumq; animos tum pietatis exiſtimatione ac religionis reuerentia, tum fulminū Pontificiorum metu, à rerum nouandarū ſtudio abſterritos in officio retinent, & alteros alteris inter ſe inuiſos ac ſuſpectos reddunt. Eorundemq; opera atq; ambitione muneribus ac prabendis Eccleſiaſticis ex uſu ac re ſua in quos velint reparti- tis, Hiſpanici nominis potentiā ac terrorem mirificè ſtabiliunt. Ita nuper Venetā Remp: tum ſubmiſſis Inquiſitoribus, tum iniecta de Aquilegiano patriarchatu cui velint decernēdo controuerſia, paulatim ſibi addicere tentauerunt, & iam pridem reliquos propè omnes Italia principes, & verò etiam eos qui genti Hiſpanica paulò viderentur infenſiores, his artibus edomitos, quā obſequentiſſimos ſibi reddidere.

Eadem porrò regnandi cupiditate ardentes, ijſdemq; confiſi ſtra- tagematis, iam olim, cum Carolo quinto Electorum ſuffragijs Germanici Imperij moles eſſet impoſita, primū quidem Gallia regnū inſeſtis ex Belgij armis & ſapè & graniter diuexarunt, Mox ve- rò in ipſa Germania ſuperioris intima viſcera, religionis Pontifi- cia inſtauranda prætextu, impetum fecerunt, victiſq; prælio Pro-
teſtan-

stantium Ducibus, de illa undiquaq; occupanda, & sua dominationis iugo subiungēda serio cogitarunt, ac proinde munitissimas quasq; arces atq; oppida in ipso Germaniæ umbilico Hispanico presidio cōmunierūt. Sed cū neg, eorum ambitiosissimis studijs Caroli Imperatoris aq̃uitas satis responderet, neg, ea quæ occupant loca, & longo remota intervallo ab Hispanijs, & fortibus undique ac bellicosissimā gentibus diu se posse tenere animaduverterent, & iam singulari Mauritijs virtute atq; armis inde pulsi, superiorē omnē Germaniā relinquere cogerentur, & in Gallia iam sapius renouata bella optato successu carere cernerēt, optimam quidē illam, quam certa sse deuorant, prædam ē faucibus sibi ereptam grauius ferentes, paulisper substitērūt, donec post Caroli quinti ex Belgio discessum, ambitioso, superbo, & verē Hispanico Philippi Regis ingenio ad suas cupiditates abusi, alia sibi via, quod pridem instituerant, aggrediendū decreuerunt. Animaduverterant enim se neque in Germaniā, neg, in Gallias, posse quoties adlibuisset exercitū ducere: Et si post duxissent, commeatū ac belli gerendi facultates primo quoq; die defuturas, nisi occupatis & in suam potestatem redactis Hollandiæ ac Zelandiæ portibus, constitutoq; in reliquis Belgij prouincijs Hispanico presidio, ac imperatis quibus opus esset stipendijs, & belli quoties vellēt inferendi, & eiusdē quamdiu videretur sustentandi, prorogandiq; sedem oportūā delegissent. Cū autem se id saluis gentis legibus atq; immunitatibus agere posse impetrare viderent, propterea quod ex illarum sanctionibus, exteris gentibus exclusis omnis Reipubl: administratio penes indigenas esset, & nulla ciuitatibus vel vectigalia, vel præsidia, nisi ex ordinum consensu imponi possent, omnino statuerunt antequam vterius Imperij ac dominationis limites propagarent, illas Belgij prouincias esse ætioribus imperij habenis cōtrēdas, suisq; illis legibus, institutis, immunitatibus ac priuilegijs, & cunctis denique tum libertatis firmamētis, tum prædijs dignitatis spoliandas, ut ita erectis pro arbitratu sua extrāctisq; arcib; imperatisq; vecti-

galibus ac stipendijs, ex florentissima provincia sedē belli ad sua studia oportuniſſimam conſtituerent, ex qua deinde aliquot Hiſpanicis legionibus firmata, & ſua fidei penitus mancipata quocunque inde adlibuiſſet, impetum facerent.

Ex eo itaq; tempore, ōnia ſua conſilia, omnes rationes, ōnes deniq; actiones ac ſtudia huc intenderūt, ut in Belgio qua vi, quaq; iniuria praſidia Hiſpanica per provincias, ad decē (ut minimū) veteranorum militum milia repartirentur, quib; indigenarum Gallorum militū robur adiungeret, eoſq; ordinarijs equitum turmis, quas in Belgio ſemper paratas, inſtructaſq; ex ritu veterum illius provinciae Ducum ac Principū Rex habebat, communirent: eas deniq; vel denincta ſibi per fœdus atq; amicitia Germani cuiuſſia fide atq; opera, vel certē occupata Germania vicina aliqua ciuitate, equitatu Germanico, quoties ita ferret uſus, roborarent.

Ad hanc rem Ericum Ducē Brunſuicenſem per initia delegerunt, quem annua penſitatione oblata, quaſi quodā authoramento, Philippus Rex fidei ſuae deuinxit: eodemq; tēpore de Colonia, vel Monasterio occupando conſilia inierunt. Sed cū Belgij ordines Hiſpanica praſidia obſtinatē recuſarent, eaq; ipſa, qua tum ex belli Gallici reliquijs ibi manſerāt, deduci importunē ſagigaret, pecuniam imperatā niſi id fieret, obſeruatē renuentes, oportunitas illius cladis, qua in Africa ſub idem tempus ad Gelbes exiit, qua quidem legiones Hiſpanicae propē ad internecionē deletae ſunt, effecit, ut quam Belgarum petitionē Rex Hiſpaniae ferebat indigniſſimē, & verō etiā quaſi atrox rebellionis crimē grani ſupplicio multandā decreuerat, eam rerū neceſſitate victus, non planē ſibi ingratā eſſe ſimularit, & praſidia Hiſpanica ex Belgio deduci paſſus ſit, ut Italia & Hiſpaniae fines, & quas in Africa tenebat munitiōnes, ab Afrorū & Turcarū irruptione cōmuniret: Sed certo tamē conſilio ac decreto (quod ne ipſe quidem potuit diſſimulare, & Hiſpani etiā ſcriptis editis teſtati ſunt) ut prima quaq; noua occasione, inſeſta Hiſpanorū praſidia cōiterū ablegaretur, quorū vi atq; armis, & illa (ut arbitrabatur) Hiſpanico nomini inuſta macula elueretur,

& uniuersa gentis Belgica libertas arctioribus imperij frenis coerceretur. Ad eam rem perficiendā, nulla se obtulit occasio speciosior quā religionis Romana constitucda cōstans atq; inuictum Regis Philippi studiū, cura, sollicitudo. Itaq; ex Hispania datis subinde literis, grauitur queritur, rem illā neg, Parmensi neg, procerib; ac magistratibus cordi satū esse. Omnino se videre nisi uolētiora atq; acriora adhibeantur remedia, Catholicā religionem in Belgio breuipessum iturā. Id uerō se nequaquā passurū esse, sed omnium regnorum ac ditionum reliquarum facturum potius iacturā. Itaq; planē ac seriō uelle, ut editorū de religione acerbitas, sine ulla dissimulatione ad uirginem obseruetur, nullaq; de causa uel tantillum remittatur, sed acrius etiam intendatur. Ad eam rem, noui per prouincias Episcopi undiq; instituantur, qui munus Inquisitorū exequantur strenuē: ijs omnib; praesit Granuellanus Mechliniensis Archiepiscopus, qui iam à Pontifice Galerum Cardinalitium acceperat, & propter intolerabilem ambitionem atq; effrenem dominandi cupiditatem, apud omnes ordines grauissima inuidia flagrabat. Episcopis autem illis, ut cōgnauit muneri inquisitorio intenti essent, prada distribueretur ex manubijs reliquorum ecclesiastici ordinis beneficiorum, quos aiebant nimium esse remissos in persequendis multandisq; haeticis: simulq; summa daretur potestas iudiciorum in omnib; ijs causis, quae uel palām, uel obliquē ad religionis negotium spectare uiderentur. Atq; ita uno tempore, uiaq; opera, omnes gentis ordines pariter offendeabantur. Nam & proceres grauitur ferebant Reipub: procuracionem sibi ereptam, in unum hominem nouum, atq; exterum Granuellanū conferri: Nobiles indignē ferebant summū de suis capitibus, & fortunis omnibus iudiciū penes aliquot homunciones obscuros, uiles, atq; inopes, cōtra morem patriū fore, quos intelligebāt suis facultatib; inhiātes, faciliē criminādū occasione ad suā perniciē esse aucupaturos: Urbū magistratus fremebāt, iudicia cōtra leges ac iurata à Principe priuilegia ciuitatib; eripi, & mādari hominib; nullius pretij, qui & extero principi Pōtifici nimirū Romano, sacramēto obstricti essent,

Etiam antè infinita auaritia & crudelitatis specimina edidisset: Vniuersa deniq; plebs lupos fortunæ suis inhiantes pro pastoribus datos sibi querebatur, ita ut infiniti mercatores de patrijs sedibus deserendis cogitarent, & verò etiam innumerabiles in exterarum regiones commigrarent. Ea cum varijs supplicationibus, libellis, nuntijs, ac legatis ad Regem referrentur, omnesq; ordines studiosè intercederent, ut ne tanta rerum inuolutione populo fidelissimo præberetur occasio de antiqua fide ac beneuolentia in Principem quicquam remittendi, omnia eorum postulata Rex non modò obstinatè respuit, sed voluit etià Tridentini Concilij decreta, quibus omnia penè iura patria labefactabatur, sanciri. Videbat enim adesse iam occasionè diu multumq; expetitâ. Etenim futurum, ut vel si dicto parerent, Inquisitionum potestate semel constituta, conuulsisq; legibus atq; institutis patrijs, haud difficilè tollerentur è medio, qui vel authoritate, vel gratia apud populum valerent: atq; ita Hispanica præsidia, & noua Reipublica forma introducerentur: vel si renuerent, laxis iam omnibus peraq; ordinibus, tumultus aliquis necessario oriretur, ad quem coercendum præsidia mittenda censerentur: vel quoquo modo res caderet, obstinatè neglectû Regis mandatum, quasi atrox læsa maiestatis crimen satis causa ad gentem omnem ferro atq; armis mulctandâ videretur. Neq; sefellit consilium euentus. Cum enim ex flore Nobilitatis nonnulli oblato in Curia libello supplices retulissent, quàm esset illud Regis institutum & Reipub. perniciosum & ipsi Regi damnosum, & sibi periculosum, rogassentq; ut tantisper Inquisitionis illa promulgatio differretur, donec de eorum postulatis, Rex ipse in Hispania per Legatos, viros ex summo ordine primarios cognouisset, plebs hac occasione maiorem aliquam sibi libertatem concessam rata, religionem Euangelicâ, quæ Regi atq; omnibus Hispanis erat inuisissima, caput, licentiosius fortasse quàm par esset, profiteri, ac publicè exercere. Hac occasione tam speciosa, Rex primum quidem vniuersum illum nobilium ordinem, qui libellum obtulerant, maiestatis

statis damnauit. Legatos qui ad se in Hispaniam ex Parmensis
proregina mandato venissent, capite multauit: & simul legiones
veteranorum ex Hispania Duce Albano misit, qui proceres ac no-
biles omnes, qui Hispanorum studijs minus fauissent, religionis
prætextu è medio tollerent: in optimos quosq; capitis pœnam san-
cirent: plebem vniuersam grauissimis oneribus, vectigalibus ac
seruitute durissima multarent: in urbibus atq; oppidis arces con-
derent: deniq; ordines ac Magistratus auctoritate, Nobilitatem
dignitate ac splendore, populum fortunis, ciuitates legibus, immu-
nitatib. & antiquis priuilegijs, vniuersam deniq; prouinciam om-
nibus ornamentis ac praesidijs nudarent: atq; ita Hispanicis illis de
belli sede, in Belgio instituenda, consilij viam aperirent. Quæ qui-
dem omnia quàm sedulò ac diligenter Albanus præstitit, cum in
omnium oculis ac luce versetur, nihil attinet commemorare. At-
qui non ad Belgij prouincias (quæ certè imperium minimè detre-
ctabant) subiiciendis, sed ad Hispanicam in Europa Monarchiam
stabilendam manifestè spectauisse, an potest cuiquam esse ob-
scurum, qui quidem eorum consilia, rationes, actionesq; omnes vo-
let aduertere? Nam initio quidem ad Albani aduentum, Coloni-
am ad Rhenum urbem, eo prætextu, quòd Regis Hispaniæ perduel-
les hospitio ac ciuitate donassent, inuadere cogitauit, & simul eodẽ
tempore Monasterium, VVestfalia oppidum, suæ potestati subiun-
gere. Quod quidem, nisi Aurica Princeps comparatis ex Germa-
nia copijs eius impetum & consilia interuertisset, vtrumq; haud
dubie confectum vno tempore vidissemus. Neq; tamen propterea
desijt, Colonienſibus mandata quæ vellet præscribere, & Senatum
grauissimis comminationibus ad obsequium cogere. Cum Treui-
renſi, qui eo tempore suum illi obsequium ad Regis Hispaniæ consi-
lia atq; instituta conficienda pollicebatur, primum quidem secretò
tractare in perniciem illustrissimi sanctæ memoriæ Comitiss Fri-
derici Palatini: mox verò etiam contentione suscipere de vrbe Tre-
uirenſis dittonis præcipua, quæ in Regis Hispaniæ protectione esse

contendebat. Cluensi Duci Consiliarios eos dare, qui in eius ditionibus non aliter ex praescripto imperarent, quam si sua ditioni subiectas Rex Hispania tenuisset. Embdanum Comitem cliente-
le nomine beneficiariū sibi reddere. Leodiensibus arma, tela, com-
meatum atq; auxilia imperare, & in omnibus deniq; finitimis illis
populis merum imperium exercere. Mox autem Serenissimæ An-
glorum Reginae, mercatorij contractus nomine, controuersiam mo-
uerunt. Anglos omnes qui in Belgio essent, arcta custodia coercue-
runt. Regina, quos uellet in Anglia proscribi, atq; exilio multari,
edixerunt. Ipsius Anglicani regni perduelles, homines nefarios
& conspirationis in Reginam factæ conuictos, non modò finibus
atq; hospitio exceperūt, sed etiam muneribus ac largitionibus, an-
nuisq; pensitationibus locupletarunt. Scotiae Reginā ad res nouas
moliendas varijs artibus concitarūt: eosq; qui Scotiae Proregem ne-
fariè trucidarant, etiam premijs atq; honoribus affecerunt, eorūq;
opera, consilio, manu ad multas res vsi sunt. Quid? quod ipsam Re-
ginam Pontificis Romani diplomate, haeticam atq; illegitimam
regni heredem pronunciari curarunt, nefarijsq; conspirationibus
in ipsius regni visceribus excitatis in uita discrimen adduxerūt,
regnumq; ijs qui uellent diripiendum occupandumq; publicarunt?
Sigillatim autem Ioanni Austriaco datum est negotium, ut rebus
in Belgio constitutis, ferro atq; armis Angliam inuaderet: Scotiae
Reginam in matrimonium duceret, cum qua regnum Anglia, Sco-
tia, atq; Hybernica sibi vendicaret. Quod cum renouato cum ordi-
nibus bello minimè successisset, iterum alia uia per Hyberniam ten-
tandum esse putauerunt. Missa sunt itaq; Pontificis quidem Ro-
mani nomine, instituto autem ac uoluntate Philippi Hispaniarū
Regis, in Irlandiam, Italarum & Hispanorum copia, quæ ex illa In-
sula, quam se fidei sua addictam sperabant habituros, in Angliam
porro impetu facto, in suam potestatem uniuersum illud regnum
subijcerent. Et nisi Ducis Albani rei difficultate perterriti consi-
gio, Philippus Rex eam rem in meliorem temporis oportunitatem
disse-

differendam decreuisset, iam pridem vniuersa belli moles in Angliam translata esset: ut nimirum illa primū occupata, atq; e ratione Oceano Gallico & Britannico in potestatem redacta, facilius esset Belgij opprimendi ratio. Galliam porro interea per teneram Regum aetatem, varijs dissidijs fluctuantem, omni studio, arte, industria, omnibus deniq; machinis intestino bello implicarunt, ut florentissimū illud potentissimūq; regnum, domesticis armis ad internecionem propē attritū, possent sine multo negotio, cum usus ferret, opprimere. Interea autem quas illi ciuilibus ijs bellis faces submouerint, quae auxilia subministrarint, quae dissidia excitauerint, quae pariter dissidia, factiones, simultates, fœdera, conspirationes ad fouendum illud miserum incendium excogitarint, quid attinet dicere? cum ipsi Regi Christianissimo notum sit, illos non semel populos sibi subditos ad defectionem & ad arma contra se capeffenda sollicitasse. Et ne quis illud religionis Catholicae zelo factum autemet, etiam ipsos religionis Euangelicae propugnatorum ac Principum animos ingentibus pollicitationibus, muneribus ac pecunia pertentasse. Cum ad eius maiestatem saepenumero certis indicijs relatum sit; quas illi machinas ad priuatos multos ciuitatum ac portuum maritimorum praefectos corrumpendos, & ab eius fide alienandos adhibuerint: quod ipsum etiam Nauarra Regem promissa pecunia ad dirumpenda pacis fœdera studiosē sollicitauerint, & ne quidem à Regis fratre Serenissimo Andriū Duce in fratris ac totius regni perniciem armando, sollicitandosq; abstinerint. Et cum eum suis cupiditatibus minis obsequentem cernerent, veneno ac submissis sicarijs e medio tollere sitarint, ut interea omit-tam pensionariorum, quos vocant, numerum, non modò ex Iesuitarum & Inquisitionis corycaorum grege, sed ex alijs stipendiarijs, quos non modò apud Gallia Regem, sed apud omnes fere Christiani orbis Principes ac populos ex intimis & maxime arcanis consilijs sua fidei addictos habet Rex Hispaniae, qui quoties opus sit, Rempub. turbent, subditos ad arma concitent, consilia aduersa dissipent, &

quod sibi ex usu sit, decernat. Sunt enim hæc plana, aperta, & ve-
rò ipsis etiā Regibus & Principibus, in quorum perniciē comparan-
tur, multò notissima. Et nemo tamen est, qui vel hiscere quidē au-
deat vel mutire. Tantus scilicet omnium animos Hispanici nomi-
nis terror occupauit. Nam quid ego de Germania nostra dicam? qua
cū in omnium maximo versetur periculo, & propè iam Hispani-
ce ambitionis gurgite absorpta sit, omnium tamen maximè secu-
ra periculum negligit, & vicinorum tectorum incendiū iam vsq;
ad intima sui ipsius viscera peruagatum, nihil ad se pertinere pu-
tat: ita quæ suam priuatam, & communē orbis Christiani liber-
tatem, olim omnium strenuissimè tuiari solet, ad rep-
spanice seruitutis jugum, videtur omnium ignauissimè obtorpuisse.

Sanè habet in Germania Philippus Hispaniæ Rex non iam oc-
cultos exploratores aut pensionarios, qui Principum cōsilia, atq; ar-
cana ad se deferant: sed publicum assessorem in Camera Imperij,
per quē de causis omnibus ac negotijs Germaniæ cognoscat, & tan-
quam aliquis vnus ex Germaniæ Principibus diiudicet. Sedet eti-
am per legatos in omnib; Imperij consessibus, omnia Comitia per-
lustrat, omnia deniq; arcana explorat, neq; minus habet perspecta
quàm ipsi Germaniæ septē viri Electores. Quo quid potest esse in-
dignius, quid Germanico nomini contumeliosius, quid aut libertati
infidiosius, aut perniciosius salutis, quàm nullū existere Imperij in
Germania consessum, nulla Comitia, nullum Senatū, nullum ordi-
num conuentū, ac ne commune quidem Iuris ac iustitiæ tribunal,
nisi inspectante, cognoscente, ac propemodum iudicante, imperan-
teq; Hispano? Quid ita? quia videlicet circuli Burgundici nomine,
qui inter Germaniæ circulos censetur, etiam inter Imperij Germa-
nici membra habendus est Rex Hispanus. Quid hoc quæso est, illu-
strissimi Principes, nisi vestro nomini, auctoritati, gloriæ apertè
illudere, & vobis videntibus, scientibus prudentibusq; seruitutis
Hispanice capistrum imponere? Anno à Christo nato post mille
quingentos, quadragesimo, ni fallor, octauo, cum vi atq; armis op-
pressam

pressam tenere Germaniam. ^{Germaniam} armatis Hispanis atq; Italicis legionibus septius Comitia induxit: Retulit multas, in inferioris Germaniae qua Galliam attingit parte, esse tum urbes, tum provincias, qua antiqua lege & consuetudine à Camera Imperij iura solerent accipere, ad Germaniam comune tribunal prouocare, & deniq; in Germania circulis atq; imperio cēseri. Ex quo cum saepe varia orirentur controuersia, velle se vna opera & litibus sinem imponere, & Germaniam beneficio assicere: ac proinde decernere, ut post hac omnes omnino, quas tum in Germania inferiore, tū in Gallia Belgica provincias ac ditiones tenebat, in vnum Imperij circulum redacta, Burgundici circuli nomine cēserentur. Eo nomine, se suosq; posteros Imperio pensaturos, quantum ad belli Turcici vectigalia soleant pendere duo Electores, de cetero vniuersam illam ditionem non tantum ab omnib: imperij indictionibus collectis, ac subsidys liberam fore, sed etiam omni Camera jurisdictione, legibus, atq; edictis imperij solutam: hac scilicet est merces spoliata nostra jurisdictionis, auctoritatis, Imperij: Hoc est seruitutis aurhoramentum. hac enim pecuniola prostituta est sacrosancti huius Imperij dignitas ac libertas, dataq; extero Principi, cui nulla nobiscū nec generis, nec vicinitatis, nec lingua, nec juris necessitudo intercedit, potestas in nostra Comitia irrumpendi, in nostris consessibus sedendi, & in Camera Imperij sententiam dicendi, omnia deniq; nostra consilia, rationes, arcana perlustrandi, explorandiq;. Quod si in seruitute, etiamsi neq; superbus, neq; molestus sit Dominus, tamen miserrimum est, posse esse, si velit, quis non videt miserrimam profecto esse nostram Germaniam, in qua Rex Hispanus, si velit, ex arbitrio possit imperare? Quāquā quid attinet dicere si velit, posse, cum iam eum longē lateq; in Germania imperare omnes videant? Quid enim hac Burgundici circuli constitutione consecutus est Hispanus? Vt non iam in Burgundico solum circulo pro libidine dominetur, sed in estphalico etiam, qui certē vnus ex precipuis ac fortissimis Germania circulis est ha-

bat: neq; quisquam sit, qui contrā mutire audeat. Hactenus enim eius Imperio paruit ditio Leodiensis, paruit Cliuensis, ac Iuliacen- sis principatus, paruit tractus Colonienſis, ac vniuerſa weſtphalia, Neg, tamen eſt hoc etiamnum imperio contentus, quin nouo etiā aut boramēto illa ſibi penitus vult mancipare, & in omnes Germa- nia partes imperium vndiquaq; protendere. Vt enim taceam quòd extremas fere omnes Germani. coras inde uſq; ab Alpium radici- bus ad oceanum Germanicum tenent ij, qui ſunt eius obſequijs ad- dictiſſimi, neq; imperium refragari auſint: vt nihil dicam quòd qui artifiſimis ſæderis, ſanguinis, nominis, familia, aſſinitatis ne- ceſſitudinib; cum illo ſunt colligati, in Hiſtria, Carinthia, Croacia, & maxima Pannonia parte, & porrò in Bauaria imperium habēt. Fauces Lyci, Oeni, Danubij tenent: Auguſta Vindelicorum, Ratis- bona, aliarumq; ampliſſimarum Imperij ciuitatum ceruicibus im- minent: vt omittam etiam quòd Imperij ipſius clauū in manu ha- bēt, qui ob Hiſpanici regni ſpem, Hiſpanica dominationi haud vn- quam ſe opponent. Quis non intèlligit, quo tandem ſpectet immē- ſa iſta atq; inexplẽbilis dominandi ſitis, qua adoleſcentē Bauaria Ducem Episcopum Friſingenſem Hiſpanici Regis ſtudio incitatū, authoritate armatum, ſtabello incenſum ardere omnes vident? quem nulli neq; ampliſſimi Episcopatus, nec principatus potentiſſi- mi poſſunt exſaturare? Is iam vno propè temporis momento eam ſibi comparauit potentiā, vt multis quidem Europæ Regibus com- parandus, omnib; ceriè Germaniæ Principibus metuendus iure vi- deatur. Multa enim ſunt atq; illuſtria in Europa regna, qua neq; finium amplitudine, nec multitudine gentium, nec militum robo- re, neq; omnū rerum copia, cum eius ditionibus comparari poſſint: neq; tamen conqueſcit, ſed Hiſpanica ambitionis aſtro percitus, ſemper maiora ac maiora concupiſcit. Iam enim præter ampliſſimos Episcopatus Friſingenſem ac Hildeshemenſem, etiam Leodiſem principatū, & ditionis amplitudine, & gentis robore, & loci oportu- nitate nulli ſecundum, Hiſpanici Regis opera atq; impulſu obti-

nuit. Et etiam Archiepiscopatum Colonienſem adiungendum putavit. Nam etſi hætenus ſemper Leodiſis ditio Hiſpanos telis, armis, machinis, milite, cōmeatu, atq; omnib; belli praſidijs non obſcurè neq; diſſimulanter juvit: quandiu tamē Colonienſis Electoris metu nonnihil retentus Episcopus, omnes animi latebras necdum ſibi patefactēdas duxit, etſi re ipſa Hiſpania Regis obſequijs ſuam omnem ditionē manciparat, verbo tamen neutralitatē præſe tulit. Iam verò, ne quid reſtaret quò minùs Rex Hiſpania pro arbitratu poſſet planiſſimè imperare, Archiepiscopatum etiam Colonienſem, & ſummā Electoratus dignitatem, partim armis, partim comminationibus, partim Romani Pontificis authoritate, illi, aut porius illius nomine ſibi procuravit atq; addixit. qua certè ratione non iam ſolùm ipſius Germania armis ac viribus inferiorem illam Belgio finitimam Germaniam oppugnat: ſed ad univverſam etiam ſuperiōrē Germaniam imperio ac dominationi ſuæ ſubiungendam aditum ſibi patefacit: omniaq; & Electorum & reliquorum Imperij Principū vectigalia ſua poteſtati ſubijcit. Quæ quidem, illuſtriſſimi Principes, veſtra dignitatis, veſtrig; Imperij veruos ac praſidia merito ſemper omnes duxerunt: quibus amiſſis & in exteri Principis poteſtatem hac nova Colonienſis Archiepiscopi electione redactis, quaſi compedes ac numella vobis iniecta ſunt, quibus & belli gerēdi (ſi neceſſe ſit) poteſtas adimatur, & ſervitus iugū, quoties Hiſpano adlibuerit, ceruicibus veſtris imponatur. Nec enim iam eſt neceſſe Philippū Regem Iulij Caſaris exemplo pontis in Rheno conſtrūdi cura magnoperè diſtineri. Pons enim illi ac traiectus eſt ipſa Imperij urbs, atq; Electoratus ſedes Colonia, omniſq; Archiepiscopi ditio, qua huius nutui ac voluntati non ſecus ac ſuo parebit Principi. Quid igitur iam reliquū eſt, quominus univverſa Germania Hiſpanus imperet, edicta qua velit præſcribat, & in quoscuq; adlibuerit armis impetum faciat? Nullum fortasſe habet in Germanici Oceani ſancibus portum, in quem ex Hiſpania (ſi neceſſe ſit) claſſem miſtat. Atqui & hoc prudenter cauuit ne ſibi deeſſet. Prætextu enim vel belli in Phryſios ge-

rendi, vel commeatus in Belgium importandi, Amasi ostium concedi sibi postulat: ad eam rem conficiendam negotium dedit Billiao Lusitano, ut sibi Embdanam ciuitatem à Comite Phrysia orientalis Edzardo, quem clientela nomine deuinctū habet, ad tempus aliquod quasi commodato tradi curret. Eius beneficij premium Groningam oppidum (quod quidem undiq; Hispanorum manu cinctum, atq; omni commeatus oportunitate exclusum quoties lubebit facile recepturus est) & simul Burgundia comitatus gubernationem, cum vectigalium ac redditus anni vsura, suis tamen praesidijs munitam illi pollicetur. Ita perficit ut opportunissima omnia Germania flumina Danubium, Rhenum, Lycum, Oenipontem, Mosam, Mosellam, Amasim in sua potestate habeat, & quemadmodū per suos clientes, & necessarios terra sibi aditum undiq; patefecit: ita in oceano nihil sit quod eius vel vires frangere, vel impetum possit retardare. Et quia postremò intellexit, quantam olim Carolo magno difficultatem ad res gerendas prabuerit inuictum illud Saxonia inferioris robur, & simul commemorat, vnā Magdeburgensium ciuitatē non ita pridem ab omni confederatorum auxilio nudatā, Caroli V. Imperatoris inuictissimi parentis sui exercitū detinuisse, victoriam cohibuisse, ac vires deniq; fregisse, dedit operam, ut huic etiam periculo prouideretur, neq; quicquā planē esset quod in Germania imperiū eius posset remorari. Perfecit enim ut & Romanus Pontifex & ipse Imperator, prater ea quae iam antē à nobis comemorata sunt, Episcopatum etiam Magdeburgensem, hoc est, vniuersum Saxonia robur, eidem Episcopo sponcione addixerint. Nihil enim putat interesse per sese ne an per legatū, clientem inquam & consanguineum atq; affinem suis studijs addictissimum teneat: cū habeat exploratum, illo Episcopo, sese quod vult, esse imperaturum. Neq; tamen his etiam dum se continet finibus.

Laborat enim ut illum totius Germania Primatē creet, cuius nutu atq; autoritate omnia Ecclesiastica munera, dignitates, ac praebeandae in quos sibi adlibuerit, erogentur. Neq; adhuc persensit-

citis,

citis, viri Germani, Hispania Regem in Germania Imperium, non dicam ambire, sed iam occupatum tenere? qui Belgio deuictis portus omnes oceani, & Germania fluminum ostia in potestate sit habiturus, vobisq; omnem nauigandi ac negotiandi facultatem quoties libebit, erepturus: qui Amasietiam ostia sibi iamiam tentes subijcere: qui vestra omnia vectigalia & portoria in suam potestatem redigat: qui Cliuensibus, Iuliacensibus, Leodiniis, VVestphalis leges atq; edicta praescribat: Coloniam Imperio suo parere iubeat: cuius clientes, propinqui, affines maximos ac praestantissimos Germania populos sibi subiectos habeant: qui ex Hispania in vestris consiliis & Comitibus sedeant & sententiam dicat: vestra omnia consilia, rationes atq; arcana perlustret: qui non modo quod vult iubeat, vetet, sanciat, imperet, sed pro arbitrio etiam Episcopos Frisingensem, Hildeshemensem vobis designet: Principes atq; Electores Imperij Colonensem, Leodiensem, Magdeburgensem creet: qui deniq; Primatem Germania imponat, per quem Ecclesiastico ordini in Germania amplissimo ac potentissimo imperet? & pro his omnibus, vnum vobis obtrudat, quem habet sibi & sanguinis & affinitatis multiplicib; vinctis obstrictum, & clientela nomine deuinctum, & beneficiorum acceptorum necessitudine, atq; alijs infinitis nominib; addictissimum, quemq; certo nouit, nihil nisi ex suo nutu, sententia praescriptoq; tentaturum, acturumque: quem deniq; propter varias ac multiplices, quae illi cum alijs potentissimis Germania Principib; intercedunt, controuersias, exploratum habet in Germania eiusmodi dissidiorum faces esse submissurum, quae nisi cum totius sacri imperij ruina extingui nunquam possint. Nam cui potest esse ignota, verò illa quae huic est cum illustrissimis Brunsvici Ducibus, de mille supra vnum pagis grauissima controuersia? quam certe silentio sopitam nunquam patietur conquiescere.

Aut quis nescit quanta amulatione hac Bauatorum familia de primi Electoratus iure ac dignitate cum Palatinorum stirpe iam pridem contenderit? Quam sibi, suoq; nomini, genti ac familia primam illam ac summam Imperij Germanici dignitatem ereptam

quiruntur. Quæ certè controuersia cum se hic tanta sentiet actû potentia, quantam illi Regis Philippi studium ac voluntas vobis recentibus comparat, denuò excitata quâtas & quàm funestas Germania Tragædias pariet, quantam ad Hispanorum tyrannidē, & fedam Germania seruitutem fenestram aperiet, quantas deniq; clades atq; arumnas misera nostra atq; improvida patria adferet, quis non videt? Et tamen vos hæc omnia, Principes Illustrissimi, Amplissimiq; Imperij Ordines, non modò taciti cernitis, sed in vtramq; etiam aurem securè dormientes, præbetis vos otiosos, ac suauis finitimorū calamitatis atq; excidiū spectatores, & cum incendium hoc parietem proximum fundamento tenus propemodū exhausserit, & verò etiam vestra tecta atq; cubilia tacitè adlambens vehementer labefactarit, vestram nondum rem agi existimatis, neq; tam potentis, tamq; ambitiosi ac superbi Regis conatibus obfistendum ducitis? Quid verò reliqui Christiani orbis Reges, Principes atq; Ordines? Vna tenet omneis socordia, vnus veternus. Dū enim vnicum Belgium eius se tyrannidi obijcit, omnibusq; Regibus, Principibus, atq; Ordinibus Christiani orbis, & auertenda seruitutis occasionem ac tempus largitur, & quam facile Hispanica huius Monarchia fundamenta labefactata euerti possint, suo exemplo commonstrat, nemo est qui rem sibi cura esse declaret: sed quasi de industria potentiam Hispanorum ad suam quisq; perniciē certatim augere & corroborare studeat, taciti omnes patiuntur Belgas diuturnitate ac mole belli fractos, rebusq; aduersis tabescentes languescere, ita vt quid vel consilij capiant, vel rei tentēt difficile possint constituere. Interea Gallia Rex potentissimus, ob semel capta à fratre Andegauensi Duce improvida ac temeraria cōsilia, animo fluctuans, vicinum incendium longē latēq; peruagari cernit, sperans fortasse sibi satis fore virium ad suas res domitandas, conseruandasq; Ipse Andegauensis rerum suarum incertus, quid faciat, quid sibi ex usu sit, decernere non potest. Regina etiam Anglia, ob occupatam Portugalliā & oceanum in Hispani potestatem redactum, attonita videtur obstupescere, neq; quid consilij capiendū sit, decernere. Hispanus interea omni conatu ac viri-

bus Belgium premis, & pulcherrima concupis a totius Monarchia
fundamenta nullo intercedente jact, ita ut iam nominis sui atq;
imperij terrore atq; amplitudine extremos Orientis atq; Occidentis
fines longè lateq; impleat, & quod est à Pontificibus Romanis Ca-
tholici Regis nomen consecutus, id verè ac re ipsa sibi proprium ef-
ficiat: quod certè vobis quidem omen, Reges, Principes, ac populi
Christiani, nisi prouideritis, extremam seruitutem, huic autem,
quem vestra socordia in immensum crescere sinistis, Regi, Catholi-
cam, hoc est, vniuersalem in omnes dominationem ac tyrannidem
comminatur. Philippus quondam Rex Macedonum Gracia meri-
tò suspectus fuit, propterea quòd finitimos aliquot Thracia popu-
los, & Gracia oppidula sua ditioni subijciens, reliqua totius Gracia
libertati videretur insidiari: ac proinde censuerunt Athenienses
ab vniuersis Gracis potentiam eius esse retundendam, imminuen-
damq; veriti ne quo flagrabat ambitionis incēdio, non modò Gra-
cia omnis, sed Asia etiam vniuersa absumeretur. Neg. fefellit illos
suspicio. Nam etsi Philippus morte prauentus, quod animo conce-
perat perficere non potuit, cum tamen veteranorum militum florē
filio Alexandro post se reliquit, cuius robore vir adolescēs, non mo-
dò Graciam, sed etiam vniuersam Asiam, Syriam, Babyloniam, Persi-
am, Ægyptum sibi subiecit, & ad Indorum & Scytharum extremos
vsq; fines, omnia longè lateq; depopulatus, tertiam illam post Per-
sas orbis terrarū potentissimam Monarchiam breui temporis mo-
mento stabiluit. Nos huius Philippi Regis Hispani neg. ambitio-
nis estum metuimus, nec redundantem potentiam imminuendā
cēsemus, qui non vnum, sed propè infinitos varijs locis, atq; instru-
ctissimos habet à veteranis militibus exercitus: qui plus quàm tri-
ginta Hispanorum veteranorum millia in varijs praesidijs parata
semper atq; instructa tenet: qui in Africam, Asiam, Europam A-
mericam, atq; Indias omnes & eas & occidentis imperij sui fines
longè lateq; submouit: qui Orhomannicā potentiam classe instru-
ctissima fregit: qui Lusitaniam omnem cum infinitis Oceani in-
sulis, florentissimisq; regnis ac prouincijs imperio suo adiecit: qui

uniuersam Italiam orbis quondam dominatricē suo arbitratu moderatur: Africa portus ac littora non pauca in potestate habet: uniuersum Oceanum quaqua versum occupat: Mediterranei maris insulas omnes precipuas, ac portus suae ditioni subiectas tenet: qui deniq, omnibus Christiani orbis principibus ac populis, quod vult, praescribit, & solo nominis terrore quicquid adhibuit exequitur.

Quod si verò quis existimat eum tam amplo ac vasto contentū Imperio nihil esse amplius attentaturum, nisi quod iure & legibus possit vindicare, neq, in aliena Imperia aut regna per nefas facturum impetum, is profectò prudens sciensq, fallitur, & sibi ipse pal-pum obtrudens saluti suae ac dignitati pessimè consulit. Primum enim inexplebilis est regnandi cupiditatis sitis, atq, ardenti flammae persimilis, cui quò plus alimentorum ingeritur, eò latius vagās plura semper absumit ac vastat, neq, quicquā vlla ex parte in confinijs intactum aut integrum esse patitur. Deinde quis ex illa impotentis Portugalliae occupatione non videt Philippū Regem nullis legibus, nullo iure, nullis deniq, sanctionib. teneri velle? Nam si quod sibi jus in regni illius successione arrogabat, cur leges armis perfregit, iura vi anteuertit, sanctissimorum Iudicum sententias flamma & ferro praecipitavit? Antonium Regem, Galliae Reginā Matrem, Bregantij Ducem, & verò etiam ipsius Parmensis Principis filiū, ac reliquos deniq, omnes, qui de regni successione ambigebāt, nefariè delusit? Et adhuc iuris nomē aut religionē apud illum valere existimabimus, qui regnandi causa nullo se nisi armorū jure teneri, palam atq, in totius orbis Christiani oculis testatur? Quid verò? qui data pecunia Turcā in Venetos confederatos armauit, eorumq, impetum à suis finib. in Cyprum auersit, eumne ullis fœderum legib. teneri arbitrabimur? Qui neq, cum Indis, neq, cum Granatensib. neq, cum Belgis inita fœdera diutius quā sibi ex usu esset sancta habuit, cuiusne ardens ambitio fœderis aut juris vlla sanctione retinebitur? Sed qua tandem illū iuris obstringat religio, quem suae ipsius religionis praescriptum, & Pontificis Romani auctoritas ab omni iuris vinculo liberat? An verò quā nulla matrimonij leges ab incestu, nulla coniugij necessitudo ab adulterijs,

nulla natura vincula à parricidio, nullum deniq; fidei sacramentũ
 à periurio retinet, eius ardentem ambitionis flammã, regni propa-
 gandi studio incensum animũ, ultionis appetitũ & insanum furorẽ,
 iustitia aut juris frigida suffusa restingui posse arbitramur?
 Quasi verò Pontifici Romano minũs siet integrum regni siniam
 iura quàm matrimonij necessitudinem, quàm coniugij sanctitatẽ,
 quàm fidei sacramentũ obtenta bulla soluere? Quanquam quid at-
 tinet juris pretextu illius ambitionem oppugnare, qui ex jure &
 legib. in aliena imperia merisõ se posse inuadere iam pridẽ statu-
 it? Ecquis enim est Regum aut Principum, reliquorumq; Christia-
 ni orbis Ordinum, in quem se Hispania Rex non arbitretur iustif-
 simam belligerendi causam iam pridem habere? Gallia Regẽ accu-
 sabit, quòd fratrem in suas ditiones armis irrumpentẽ, non modò
 non prohibuerit, sed milite, commeatu, pecunia, armis roborauerit,
 eòq; nomine hostem se prior declararit: quòd Regina matris nomi-
 ne in insulas suas Gallicus armis ac signis hostiliter inuaserit, classem
 suam oppugnarit, Antoniũ hostem ac perduellem, non modò regno
 atq; hospitio exceperit, sed armis etiam ac milite iuuerit: quòd Bel-
 gas ipsos omnib. Belli presidijs, quoad potuit, sustentarit. Anglia
 Reginam dicet primũ quidem esse hareticam, & à Pontifice Ro-
 mano proscriptã, deinde multis etiam rebus, & terra & mari decre-
 tis ac gestis hostilem erga se animũ prodidisse, hostes suos ac perdu-
 elles fouisse, & tum pecunia, tum cõmeatu ac milite iuuisse, classem
 hostilem in oceanum misisse, Antonio Lusitano auxilia submini-
 strasse, aurum ac naues ex Indijs per vim subduxisse. Germanos
 Principes alios quidem causabitur Principi Auraica contra se au-
 xilia tulisse, alios in Belgio etiã militasse, in alios per Frisingẽ seu
 Leodiẽsem Episcopũ de finib. mouebit cõtrouerfiã, in alios de iure
 Electorũ: õnes autẽ vniuersim vel esse hareticos, & à Ro. Pontifi-
 cis obediẽtia descuiisse, vel certẽ cũ ijs, qui descuiuerint, fœdus ini-
 disse pronũciabit. Hos õnes Rom. Pontifex anathemate percussos ar-
 mis ad obsequiũ cogi volet. An non erit hoc satis superq; iuris ad e-
 os inuadẽdos, ei qui Pontificis Rom. mãdata p̃diuinis oraculis, ana-

themata fulminibus habeat? qui per se etiā religioni Euange. ho-
stis sit infestissimus, eamq̃, tanquā humani generis teterrimā pestē
oderit: qui omnes suos conatus, omnia studia, cōsilia, actiōes, fœde-
ra deniq̃, omnia ad illā delendam ac penitus extingvendā semper
adhibuerit & qui cū sit omnīū hominū ambitiosissimus, palām
tamen p̃fiteatur malle se omnīū suorum regnorū ac ditionū iactū-
ram facere, quā vel minimā huiusce religionis scintillā inextin-
ctā pati: qui deniq̃, Germanos p̃p̃e omnes haud alio loco quā Tur-
cas, Paganos, aut Saracenos habeat. Quid verō Pontifex, an non
arbitrabitur sibi aq̃e esse integrū Germaniam anathemate per-
cussam Philippo Regi diripiendā dare, atq̃, olim eius parenti supe-
riores dedere Pontifices? Paulus tertius, eiusq̃, antecessor Clem. vii.
Carolo V. anathematis fulmē intentarūt, p̃pterea quod de religio-
ne dissidia putaret auctoritate Cōcilij generalis, nō armis esse de-
cernēda: optimūq̃, ac minimē ambitiosum Principē ad sumenda in
Germanos arma, inuitū ac diu reluctantē cōminationib. ac fulmi-
nib. suis tandē cōegerunt: & nos existimabimus Philippū Regem
nullis Pontificū flabellis incitatū iri, ut se iure arbitretur Germa-
nos in Romana fidei obsequium armis posse adducere? Quod si verō
quis existimat ad p̃testates hac solū pertinere, reliquos ab Hispa-
nica tyrānidis metu liberos esse, is cogitet, veteres olim Henricos,
Othones, Fridericos, aliosq̃, summos, p̃otētissimos, atq̃, omni virtutis
laude praeclares viros, majores vestros, illustrissimi Principes, ean-
dem cum P̃otificib. religionē coluisse, neg. fulminū Pontificiorū cu-
spides minus p̃pterea sensisse: cū alij Pontificum nutu sua regna
atq̃, imperia in exteros Principes translata viderint, alij eorū vel
pedibus proculcandā ceruicem subiecerint, vel ad genua capite ac
pedib. nudatis supplices se p̃uoluerint, vel deniq̃, iram grauissimis
multis ac supplicijs auerterint. Cogitet satis causa P̃otifici Roma-
no ad Hispania Regē in Germanorū perniciem armadum fore, quod
videat eos qui suā religionē p̃fitentur, eandem tamen nō modō ad-
versus p̃testantes nō tutari, sed multis etiā fœderib. ac varijs ne-
cessitudinū vinculis cum illis coniunctos esse: cogitet deniq̃, cū se
Hispani sentiant Germaniā non posse vel suo imperio succedere, vel

ad Pontificis Romani obedientiā armis adigere, nisi ad alios subigendos aliorū operā vel fœderis nexu, vel clientela necessitudine, vel armorū terrore sibi addixerint, ōnino eam Germaniis conditionem ac legē subeundā esse, ut vel fœdere atq. amicitia se Hispanis ad reliquos Germanos opprimēdos coniungāt, vel ad hos ppugnandos, & uniuersam Germaniā in libertatē vindicandam cōtra Hispanos arma sumāt. Quod nisi maturē fecerint, & preclara ista Belgicarū rerum occasione vsi Hispanica potentia incrementa inciderint, frustra suis postea virib. singuli ruentem in suas ceruices immēsa tyrannidis molē conabuntur auertere. Est quidē, est inquit magna, viri Princip. Regis Philip. potentia. Sed est tamē eiusmodi, ut eius ōnia fundamenta quemadmodū vestra ac reliquorū Principū tolerantia, ne dicā socordia, nata adoleuerunt: ita vestra virtute, cōsensioneq. labefactata, nullo negotio sint ruitura. Omnes enim eius ditiones multis magnisq. locorū interuallis inter se dista. jacent, & facillē est illis cōmeatum intercludere, auxilia intervertere, vires deniq. frāgere: modō ut ipsi vobis non desitis, modō ut Germaniæ intermedio vinculo Ital. cum Belg. neq. i non patiamini. Quod quidē eō erit facilius, quod videatis omnes populos illi subiectos, immanem eius tyrānidem exhorrescere, & nihil nisi rei gerendæ occasionem, qua se in libertatem vindicent, expectare. Videris quātulis virib., quā parua manu, quā cōtemnendis principijs, Aursiaci Princeps magnos Hispanorū exercitus, & vastos illos conatus irritos atq. inutileis reddiderit. Quāto tēpore Belgij puincia omni auxilio destituta, atq. ōnibus nudata a presidijs tanti Regis impetū sustinuerint. quā ppē absuerit ut dudū quidē Iob. Austruacus, nuper autē Princeps Parmēsis cum ōnib. suis copijs ex ōni Belgio eiecti fuerint: & nisi tum quidē intestinis dissentionib. pletraq. puincia à cōmuni fœdere descuiissent, nunc autē aulicorū quorundā perniciosi consilijs Dux Andegauensis fortunā, quā in manib. habebat, elabi sibi passus esset, nō modō è Belgio decessuri fuerint Hispani, sed imperij sui fines intra Iberū fortasse terminaturi Itaq. nec est, Illustrissimī Principes, quod Hispanici imperij terror a re fortiter gerendā, vindicandāq. cōmuni libertate vos absterreat,

neg. quòd eorū potentia contemptus securos aut segniores efficiat. Nihil Regis illius vobis oberit potentia, si mature prouideritis, si res Belgicus non neglexeritis, si Billiai conatus ab occupando Amasi ostio vestra autoritate atq; imperio frugeritis, si ardentem Ducis Bavaria ambitionem, eiusq; erga Hispanicum nomen studium coercueritis, si cum Christianissimo Galliarum Rege, cum Serenissima Anglia Regina, cum alijs deniq; Christiani orbis Principibus, consilia de immensa ista Hispanorum potentia intra suos limites coercenda, serò ac mature iniueritis. Sin autem patientini finitimus vobis Belgium, Hispanicis armis iam ferè oppressum, etiam Germania viribus atteri: Cliuenses, Iuliacenses, Colonienſes ad Philippi Regis madata contremiscere taciti spectabitis: Leodienses machinis, armis, comiteatu, atq; omnibus belli praesidijs, quod est hactenus ab illis studiosè factitatum, hostè iuuare non prohibebitis: neq; Ducis Bavaria astuantem ambitionem coercetis: Sed eius imperio Colonienſem Archiepiscopatum, atq; Electoratus dignitatem adiungi patientini, eūq; suas vires ad Belgij perniciem cum Hispano coniungere non vetabitis, & serò etiam portum in Germanico oceano Hispanorum classi patefacietis: Nonne dubitare quin reducto in Hispani seruitutem Belgio, diuiso & in varias factiones distracta Germania, Galliaq; vel bellis & contentionibus domesticis exhausta, vel consiliorum ac studiorum pugnantem inter se varietate distracta, Hispanici nominis terror, atq; imperij moles, quasi quidam vastus atq; inenitabilis oceani aestus ruptis vicinis aggeribus ac repagulis uniuersum orbem Christianum extrema cladis, & calamitatum omnium fluctibus breui tempore sit obruturus: quod quidem si qui tum vel armis, vel alia vi conabuntur prohibere, serò sanè illi sentient, quod in orationis capite diximus, elapsam hanc praclarissimam rei bene gerenda oportunitatem, nulla neq; vi neq; voto reditura, sordida ac tarditatis meritis à nobis penitus reposita. Hoc ego omen, ut ab uniuerso orbe Christiano, maximè autem à dulcissima mea patria Germania Dominus auertat: & vos, illustrissimi Germania Principes, reliquiq; orbis Christiani Reges potentissimi, & Amplissimi Ordines, vestraq; omnia consilia atq; instituta, spiritu suo sancto ita moderetur, ut quòd erit ex usu Reipub. Christiane, quodque ad diuini nominis gloriam, & populi salutem spectabit, decernatis, statuat, ac re ipsa exequamini, etiam atque ardentissimis votis, per Christi I E S V nomen, exopto atque deprecor.